

Broj:L16-09/15
Datum:10.09.2015.

ZAPISNIK
Sa VIII sjednice LEF-a

Sjednica je održana u četvrtak, 10.09.2015. godine u Sali OV sa početkom u 15:00 sati. Sjednici su prisustvovali:

Predsjedavajući Općinskog vijeća Muhamed Jusufović, pomoćnica načelnika za graditeljstvo i prostorno uređenje Brigita Lovrić, direktorica RAŽ-a Branka Janko, direktor SMŠ „Žepče“ Zijah Maličbegović, ravnatelj Tehničko-obrtničke škole KŠC Don Bosco Marinko Antunović, Ferid Ajan – „Bositex“ d.o.o, Ašir Mehić – „Prograd“ d.o.o, Edin Čaušević „Frigošped“ d.o.o, Josip Jukić – „California“ d.o.o, Emir Tutnjić - „Žepački rolend“, Berina Grahić i Jugoslav Sarajlić ispred RAŽ-a.

Za sjednicu je predviđen a potom i usvojen predloženi red i to:

1. Informacija o Programu kapitalnih investicija za period 2015. – 2019. – Prijedlog dokumenta;
2. Drugi Gospodarski forum općine Žepče 2015;
3. Aktuelni javni pozivi i kreditni fondovi za privatni sektor

Ad1

Direktorica RAŽ-a Branka Janko pozdravila je sve prisutne te predstavila aktivnosti koje su provedene na izradi nacrtu dokumenta Programa kapitalnih investicija općine Žepče za period 2015. – 2019. godine. Također je predstavila aktivnosti Koordinacionog tima za izradu PKI 2015. -2019., kriterije po kojima je napravljena selekcija prijavljenih projekata te o javnom pozivu i mogućnostima za prijavu projekata koje su bile ponuđene građanima, privatnom sektoru, mjesnim zajednicama i svima zainteresovanima. Naglasila je i to da su ispred privatnog sektora kandidovana samo tri projekta.

Direktorica RAŽ-a istakla je također da je u sklopu planiranja kapitalnih investicija predviđeno godišnje ažuriranje te da je ostavljena mogućnost da se svake godine prijave projekti za ovaj Program.

Edin Čaušević - „Frigošped“ d.o.o Žepče, istakao je da je malo projekata koji se odnose na uređenje urbanog dijela Općine.

Brigita Lovrić, pomoćnica načelnika za graditeljstvo i prostorno uređenje obrazložila je da takvi projekti postoje te da su obuhvaćene sve potrebe kada je u pitanju uređenje grada sa potrebnom infrastrukturom.

Marinko Antunović - KŠC Don Bosco, postavio je pitanje vezano za ažuriranje projekata odnosno da li je moguće kod ažuriranja projekata prijaviti isti projekat, doraden i preciznije napisan. Direktorica RAŽ-a Branka Janko odgovorila je da su svi prijavljeni projekti u Bazi projekata te da ponovno prijavljivanje nepotrebno. Također je napomenula da svi projekti, za koje se osiguraju sredstva iz drugih izvora mogu krenuti u realizaciju bez obzira na rangiranost. Dodala je da, ukoliko predlagač, smatra da njegov projekat ima određene izmjene koje doprinose poboljšanju, može iste dostaviti u Bazu projekata općine Žepče kojom upravlja RAŽ.

Ašir Mehić - „Prograd“ d.o.o Žepče, konstatovao je da su razvojni projekti zanemareni (projekti iz oblasti ekonomije, poljoprivrede). Također je naglasio da je nedovoljno prijavljenih projekata od strane privatnog sektora te da je potrebno da ih se animira kako bi prijavili više projekata. Naveo je neke primjere projekata kao što su projekti sufinansiranje investicija (nabavke osnovnih sredstava i



opreme) za firme zapošljavaju veći broj ljudi i koje redovno izmiruju svoje obaveze. Predložio je da se u budućnosti uzme u obzir planiranje i ovakvih projekata.

Dodao je da je uvrštavanje projekta izgradnje vodovoda i kanalizacije u mjesnoj zajednici Donja Golubinja u Program kapitalnih investicija, koji je predložen od člana LEF-a, nije garancija da će to olakšati privatnom sektoru koji posluje na području Poslovne zone Donja Golubinja s obzirom na ranije nesuglasice sa mjesnom zajednicom. Predložio je inicijativu da se organizira zajednički sastanak i na njemu razgovara o mogućnostima i kapacitetu vodovoda.

Direktorica RAŽ-a Branka Janko je pojasnila da se svi projekti moraju prijaviti u Bazu projekata iz koje će se vršiti ažuriranje.

Brigita Lovrić, pomoćnica načelnika za graditeljstvo i prostorno uređenje informisala je prisutne o radu na inicijativi formiranja Poslovne zone Donja Golubinja. Navela je da je uvidom u Prostorni plan ustanovljeno da područje Poslovne zone Donja Golubinja označeno kao radna zona. Zamolila je predstavnike privatnog sektora koji posluju na području Donje Golubinke (Ašir Mehić i Ajan Ferid) da zajedno sa Službom pripreme podatke oko granica poslovne zone. Nakon toga pripremit će se prijedlog Odluke Općinskom vijeću koje će područje Donja Golubinja koje je namijenjeno za otvaranje poslovnih objekata i formalno proglasiti poslovnom zonom.

Josip Jukić - „California“ d.o.o istakao je da je potrebno podržati i projekte u ruralnim sredinama koji se odnose na elementarnu infrastrukturu (vodovod, kanalizacija, ceste) pored projekata koji se odnose na užu gradsku jezgru, te da je suglasan sa projektima koji su se našli u PKI za 2015.-2019. godina.

Predsjedavajući OV Muhamed Jusufović dodao je da je prijavljen dovoljan broj projekata i za ruralni u urbani dio općine, složivši se sa činjenicom da je malo projekata prijavljeno od strane privatnog sektora ali da je to moguće nadomjestiti godišnjim ažuriranjem PKI.

Zijah Malićbegović – SMS „Žepče“ je zadovoljan uvrštavanjem izgradnje školske radionice za praktičnu nastavu Srednje mješovite škole „Žepče“. Naglasio je da će škola uložiti napor da osigura sredstva za njenu što skoriju izgradnju s obzirom na važnost za strukovno obrazovanje u općini Žepče.

Emir Tutnjić – OZZ „Žepački rolend“ istakao je da nisu evidentirani projekti koji podrazumijevaju izgradnju poljoprivrednih puteva (putevi koji vode do poljoprivrednog zemljišta). Pojašnjeno mu je da se takvi projekti nisu ni prijavljivali te da je svako imao mogućnost da projekte prijave (zadruga, udruženja, privatni i javni sektor i građani).

Na kraju diskusije, doneseni su zaključci i to:

1. Da se OV Žepče uputi preporuka/mišljenje LEF-a o dostavljenom nacrtu PKI 2015.-2019. u kojem će se dati puna suglasnost članova LEF-a na predloženi dokument. Također, prilikom godišnjeg ažuriranja PKI 2015.-2019. potrebno je animirati privatni sektor da se aktivnije uključi u proces predlaganja kapitalnih projekata , te da se poveća broj prijavljenih i uključenih razvojnih projekata u PKI općine Žepče.
2. Predstavnici privatnog sektora iz Donje Golubinke, i članovi LEF-a, Ferid Ajan – „Bositex“ d.o.o i Ašir Mehić – „Prograd“ d.o.o zadužuju se da sa pomoćnicom načelnika Brigitom Lovrić iz Službe za graditeljstvo i prostorno uređenje općine Žepče definiraju sve potrebne podatke koji će pomoći u označavanju granica poslovne zone Donja Golubinja kako bi se pristupilo i formalnom proglašenju ovog prostora poslovnom zonom. Rok je do kraja rujna/septembra 2015. godine.
3. Da se održi zajednički sastanak predstavnika Općine, Mjesne zajednice Donja Golubinja te predstavnika privatnog sektora koji posluju na lokalitetu Donja Golubinja, na kojem će se



razgovarati o mogućnostima priključenja lokalnih firmi na mjesni vodovod (uzimajući u obzir kapacitet vodovoda, i potrebe korisnika- građana i privatnog sektora), a na temelju podnesene inicijative od strane članova privatnog sektora u LEF-u sa područja Donje Golubinje. Rok je do kraja rujna/sepmetmbra 2015. godine.

Ad2


Direktorica RAŽ-a prisutne je upoznala sa dosadašnjim aktivnostima oko pripreme organizacije Gospodarskog foruma općine Žepče koji će se održati 15.10.2015. godine u restoranu „California“ te pozvala privatni sektor na saradnju i dolazak na samu manifestaciju.

Ad3

Direktorica RAŽ-a je prisutne predstavnike privatnog sektora upoznala sa aktuelnim javnim pozivima i kreditnim fondovima namijenjenih njima te napomenula da je RAŽ na raspolaganju za svu tehničku podršku bilo da je u pitanju apliciranje na javne pozive ili dodatne informacije.

Naredna sjednica je planirana u mjesecu novembru/studenom 2015. godine.

Sjednica je završena u 16:45.

Zapisnik sačinila

Berina Grahić


Predsjednik LEF-a

Namik Maličbegović